



WETTSTAI  
- CLIQUE  
ALTI GARDE



WETTSTAI  
- CLIQUE  
ALTI GARDE



WETTSTAI  
- CLIQUE  
ALTI GARDE

# s Altgardischtli

Uusgoob Nr. 07 vom Juni 2019

Gschätzti Lääserinne und Lääser vom Altgardischtli

In dr Uusgoob Nr. 01 ha ych darglegt, wieso für die Alti Garde e aiges Informazioonsblatt „s Altgardischtli“ in s Lääbe gruefe worde isch. Die wo sich no erinnere, hett das dr Uusschlaag gää:

*Im 2016 isch syt no dr Fasnacht kai Wettstaiblatt (WB) mee uusekoo. Wieso domloos au im Dezämber kai Wettstaiblatt erschiine isch, het nit emool dr Santi Glaus am Wiehnachtsässe uusegfunde! Drum hett me denn die Lugge mit em „s Altgardischtli“ gschlosse. E wytere Grund isch gsii, dass unsere Obmaa vo dr Alte Garde nie hett könne verstoo, wieso s Wettstaiblatt nit faarbig druggt wiird.*

Somit isch „s Altgardischtli“ in bekannter Form als Broschüre s erschtmool im Hornig 2017 uusekoo und uff e guets Echo gstoosse!

Jetzt sinn mr by dr Uusgoob Nr. 07 aaglangt. Uus verschiidene Gründ isch das laider die letschti Uusgoob! Nai, nit wäge dr bööse Siibe, sondern will

- e Aadraag an dr Generalversammlig behandelt worde isch, wo d Ystellig vom „s Altgardischtli“ verlangt hett, do me die ganze Infomazioone uff dr Wettstai- Homepage könnt aabelaade. Aigentlig isch dr Vorstand dr Mainig gsi „s Altgardischtli“ wyter z pfläage, will vorallem die älteri Mitgliidergenerazioon no analoog und nit digitaal unterwägs isch.
- aber im Stamm die ganz jungi Generazioon, mit dr Melina Schneider und em Sven Zaugg, unter dr Mithilff vom Peter Schenk, d Redaggzioon vom Wettstaiblatt (WB) übernoo und em e neu faarbigis Glaid verbasst hänn, macht e Doppelspuurigkeit kai Sinn mee!
- wyterhii gwärlaischdet isch, dass im neue faarbigis Glaid vom WB e Blatz zer Verfieggig stoot, zem Infomazioone vo dr Alte Garde z veröffentlige.

Dodermit gschätzti Lääserinne und Lääser mööcht sich „s Altgardischtli“ und ych mi als Redagter vo line verabschiide, will au für mi e Luftveränderig aastoot.

Alles Gueti und vyy! Spass mit em neue Wettstai Blatt.

dr Schryber



Rudolf Hintermann  
Allschwilerstrasse 42  
4055 Basel  
+41 61 301 11 89  
+41 79 218 85 87  
[ruedi.hintermaa@bluewin.ch](mailto:ruedi.hintermaa@bluewin.ch)